

# Нүүрт йовх багъчуд

Каспийск района «Вторая пяти-  
летка» колхозин малин фермд ком-  
сомльцвр кōдлнā. Эн фермин саальч-  
вр 1959 джилин зурагъан бӯцачкād,  
ирх 1960-ч джилин зурагъар эклād  
кōдлджāнā. Тедн дунд нүүрлгч саа-  
льч Надбитова Надежда үкр болгъ-  
нас, дундлад тоолхла, 1.015 литр  
үс саадж авб. Колхозин комсомольц-  
вр жōдлмшāн үзмджтā кевār кечкād,  
эврā сāн дурарн гегāн-герлин болн  
олн дундин кōдлмшт шунмгъагъар  
орлцдж йовна. Теднā бӯрдāсн комсо-  
мольск концертн бригадин програм-  
мнь йир олн-зүсн: хальмг, орс, немш,  
хасг келн улсин ду, би, сатиричск  
болн урн үгмӯд, цāāлгъврин кōдл-  
мш кегднā. Комсомольск концертн  
бригад эврā колхоздан кесг концерт  
үзүлв тер дотр Алдр Октябрин

42-ч өөнлā олн āмтнд үзүлсн кон-  
церт цугъарад таасгдв. Тедн дунд,  
Анна болн Валентина Михинāхн,  
экч-дү хоёр. Дроздов Па-  
вел, Чернова Варвара, Убуши-  
ева Вера, Подкопаев Геннадий  
нār хālāсн āмтст йир икār таасгдв.

Эн бригад Каспийск района цуг  
колхозмудт болн совхозмудт нār-на-  
ад олн āмтнд таасгддгар үзүлцхāv.  
Ода комсомольск концертн бригад  
Астраханск областин, хоша бāāх се-  
лādүр йовдж нār-наад үзүлхār бел-  
дджāнā.

Мана комсомольцвр КПСС-н ЦК-н  
декабрь сард болх Пленум тосдж, со-  
циалистическ дōрдā делгрүлдж ирх  
1960-ч джилин зурагъан болзгасн  
урд кӯцахār зүткдж йовцхана.

ЛАГИН Лидж.